



# DEO OPTIMO MAX. UNI ET TRINO,

VIRGINI DEIPARÆ, ET S. LUCÆ  
Orthodoxorum Medicorum Patrono.

## QUÆSTIO MEDICO-CHIRURGICA.

*QUOD LIBETARIIS DISPUTATIONIBUS,  
manè discutienda, in Scholis Medicorum, die Jovis decimâ - sextâ  
mensis Aprilis, anno Domini M. DCC. XLIV.*

M. MICHAËLE PEAGET,  
Doctore Medico, Præsides.

*An noxiæ Vulneribus Turunda?*

I.



T vita hominis ab arte & naturâ pender, sic  
ab utrâque conservatur: cujusque sunt munia  
separata vel mixta. Interdum natura ex se. solâ  
Medicatrix, sæpius egenâ, ni juvetur ab arte.  
In multis siquidem natura ei quod nobis emolumento esse

2  
queat ; contrarium molitur ac perficit , quoniam ipsa solo instinctu regitur ; ars verò rerum ducitur cognitione ac intelligentiâ : ideòque Medicina plurima præstat suprâ vires & potestatem naturæ in morborum curatione , ope Chirurgiæ , plùs manu proficientis , quàm medicamento.

## I I.

**E**ST autem Chirurgia antiquissima Medicinæ Minистра, atque consistit in duobus, instauratione & detractione. Ad instaurationem pertinet deligatio, spleniorum & fulcimentorum usus, futura & fibularum impositio. Ad detractionem refertur tractio, propulsio, avulsio, divulsio, solutio etiam continui quæ fit in parte durâ, vel molli, vel utrâque; in molli, sectio, punctio; in durâ, serratio, limatio rasio & perforatio; in utrâque ustio & excisio. Hujus Chirurgiæ apprime peritum decet esse Medicum, operationem Ministris relinquere, qui magisterio Medici dirigantur. Chirurgus verò sit juvenis, castra sequatur, & Nosocomia frequentet, ut vulnorum discrimina cognoscat.

## I I I.

**Q**UAMVIS enim vulnorum curandorum indicationes sint consimiles, unionis solutionem resarcire, sublatâ inflammatione per venæ sectionem & refrigerantia, saniei deterfione & carnis reparatione per exsiccantia & detergentia. Attamen pro variâ partis naturâ, & rei lædentiæ qualitate aliter tractantur vulnera. Si capiti vulnus inflictum, etiam leve, non negligendum, cui medetur sanguinis detractio, liberalior

3  
si fuerit os laesum; quod Trepano excindetur. Pectoris vulnera penetrantia, etiam perfossis pulmonibus, non semper lethalia, uberiore & repetita sanguinis detractione sanantur: proinde in magnis vulneribus corpus inedia macerabis & exangue reddes. Ratione rei ludentis, sive contudentis, sive venenatae aliter percurantur vulnera. Sed omnia raro solvenda atque medicanda, & nisi profundè sinuosa sint aut complicata, non adhibeantur Turundæ.

#### I V.

**E**X multiplici linamentorum genere quod in tractandis vulneribus usurpatur, aliud est externum, quod plumaceolus vulgò dicitur; aliud internum Turunda dictum. De postremo tantum inquiritur, cujus apud Veteres plurimæ sunt differentiæ, quibus indita sunt nomina à formis & figuris quibus effinguntur, vel à materiâ ex quâ constantur, cujuscumque sunt Linteum, Ellychnium, aut Suber, Spongia, radix Gentianæ, Argentum, Plumbum, Stannum, ex quibus formantur Canaliculi, ad implendas Turundarum vices.

#### V.

**I**NDUNTUR vulneribus Turundæ, ut aperiant & dilatent ad egressum Puris, vel alieni corporis extractionem. Sed quantum officiant curationi vulnere, inde liquet quòd vulnera, si recentia sunt dolorifica; ideoque non irritanda metu fluxionis Turundarum intrusione, quas natura vulnere Medicatrix nititur semper excutere; si vetusta, non egent Turundis, quæ coalitum impediunt, conservant ulcera. Deinde Puris continuum ef-

fluvium sistunt, cujus morâ<sup>4</sup> & putredine magis effo-  
diunt & excavantur ulcera, atque ferina fiunt.

*Ergò noxiæ Vulneribus Turunda.*

DOMINI DOCTORES DISPUTATURI:

*M. Carolus-Ludovicus Liger.*

*M. Petrus Roussen de Montabourg;  
Consultarius Medicus Regis or-  
dinarius, nec non Urbis Regiæ  
Regiique Nosocomii San-Germa-  
ni in Layâ.*

*M. Raymundus de la Rivière.*

*Mi Joannes-Stephanus Guettard,  
è Regiâ Scientiarum Academiâ.*

*M. Achilles-Francisus Fontaine.*

*M. Ludovicus-Petrus le Hoc.*

*M. Natalis-Maria de Gevigland.*

*M. Joannes-Baptista-Ludovicus  
Cbunel, Medicus Regis ordi-  
narius.*

*M. Antonius-Nicolaus Guenault.*

Proponēbat Parisiis, FRANCISCUS BIDAULT, Parisinus;  
Saluberrimæ Facultatis Medicinæ Parisiensis Baccalaureus,  
A. R. S. H. 1744, à sextâ ad meridiem.